

يا.. عصفور

أحمد بن محمد بن أبي

أحمد بن محمد بن أبي
إبراهيم بن محمد بن أبي



رقم الإيداع ٢٠٠٥ / ٧٢٠٦

الترقيم الدولي 977-331-380-8


١٩ شارع جليل الجمال، مصطفى كامل، إيداع
الترقيم الدولي ٤٤٥٧٦٩٠، ت. ٤١١٩١٠

دار النشر
الترقيم الدولي ٤٤٥٧٦٩٠

إهداء..

لكل طير مهاجر
ساب الوطن والدار
وذي غيره م سلم
ساب نفسه للتيار
سرق الغراب غنوته
ودفع له كام دولار
وسبت عشك يا طير
لعبه بإيد أشرار
عشك يا طير جنتك
لو حتى كانت . . نار

أحلام الفرحاتي



وَأَنَا سَاكِتٌ

أنا فين مكاني

قوليلي

أنا فين مكاني

أنا فين مكاني

وأنا

ابنك أنا

مش حد ثاني

وليه يا أمي نسياني

* * *

وليه يا أمي سياني

أسير خوفاي

وانا اللي قلبي يفديكي
وروحي
شايلها بكفوفي
عشان خطرڪ ..
.. وانا ساكت

* * *

عرفت الآه من صغري
شايلها كتاب
على كتافي وانا بإيدي
.. فتحت الباب
طريق كله أنا مشيته
عذاب في عذاب
عشان خطرڪ

* * *

.... وانا ساكت



عشان اللقمة لولادي

نغمسها

وتبقى حلال

زرعت البذرة

وسقيتها

وصبري طال

وبعد الصبر يا بلدي

جنيت اطلال

وغيري اخدها بالساهل

وانا ساكت

* * *

وانا ساكت على قدري

وبتألم


وماشي في بحرك الهايج

وانا مسكّم

سكوني جرح جوايا
بيشسم
بعلمك .. ردي
جاويني
وانا اتعلم
وجاويني ...
- بصوت مهموم و كله عتاب -
وليه ساكت
... متكلم !



الحق



وكل شيء في الكون

سرّاب

وأنت الحقّ

ولا لغيرك يكون

حُبّي

وأنت أحقّ

وتدور رحاي القدر

وتشوق قلبي

شقّ

وغير حنانك م اشوف

ولا عمري شفت



أَرْقُ
افتح لي باب رحمتك
واعطف
على اللي دقْ
نور طريق خطوته
دائماً
بنور الحق



إلى أمي

لما أجيلك تقولي لي

كلام تَمَلّي

يُرد الروح

تشيلي عني وترويني

حنان بقلبك

المفتوح

ولو طلبتي نور عيني

دا عمري كله

فداكي يروح

* * *

بعيش عشانك

وعشان

ألاقي فرحة تهنيني

ياللي صبرتي معانا

زمان

دلوقتي عمري

بهديني

ولو طلبتي كمان

وكمان

دا عمره كله

ما يوفيني



جمايلك أنا جيت عدتها

لقيتها بحر

بدون آخر

وتملي دائماً .. أرددها

وقلبي بيكي

بيتفاخر

وكل مشكلة حلتها

فضلتي معايا

للآخر

* * *

إليكي بهدي ... في عيد الأم

أحلى تحية

وأحلى سلام

أنا قلبي شيلتي
منه الهم
وعزفتي أجمل
الأنغام
ياللي فؤادك
ليّه يضم
يارب خليكي
لأحلام





بحلم بيوم

تفتكر فيه

عيد ميلادي

بحلم

بشمعة تحطها

أو شيء تهادي

بحلم وأخاف

عاليوم يمر

ويبقى عادي

* * *



ياريت

ياريت تعود

أيام ما كنا صغيرين

والقلب مليان

بالأمني

ياريت تعود

نسمة هوا

ماليه الوجود

بالحب والخير

والأغاني

ياريت تعود

وإزاي يعود

إللي ما بيرجعش

تاني



محتاجه إيه

تسألني دائماً

محتاجه إيه ؟ !

محتاجه شيء

ما قدرش أقولك ... يوم عليه

محتاجه قلب

يخاف عليه

محتاجه قلب

أخاف عليه

محتاجه حبك

إللي ضاع مني فطريق

محتاجه قلب

محتاجه حب





يكون حقيقي
محتاجه أحس برقتك
وسط الكلام
محتاجه أدوب
تلج أيامنا إليي دام
محتاجه أرجع للربيع
ضحكة شبابه
محتاجه أنسيه الشتا
وأيام عذابه
محتاجه تسأل ..
والسؤال
تعرف جوابه
قبل ما يضيع الهوا
ونبكي عليه



الواحد

ومشيت ف كل الطرق

ما هدايني غير

واحد

وسألت كل الأطباء

ما دواني غير

واحد

وشكيت لكل البشر

ما سمعني غير

واحد

وناديت بقلبي أحبه

ما جاويني غير

واحد

إنت يا رب الكون

واسمك ...

الواحد





يا عصفور

ارجع يا عصفور ... لعشك

ع الغصن

فوق الشجر

وأوعى تنوه في الزحام

أحسن تقابل

بشر

ياكلوك .. وياكلوا الأمان

جواك

وياكلوا الحجر



وارمي أمالك

هناك

ارميها

فوق القمر

ع الأرض مكتوب

مستحيل ...

تلاقي قلب ... انجبر!



إرهابي



ما دام السلم جاب النذل

ما دام الظلم داس العدل

أنا بافخر بإرهابي

* * *

ما دام المعنى صار معكوس

والسلام طريق منحوس!

أنا بافخر بإرهابي

* * *

أنا مسلم

وحظر عليّ

أتكلم

وحظر عليّ

أتنفس

وحظر عليّ

أتعلم


وحظر عليّ

لو أحمي ثرى بلادي

وحظر عليّ

لو أفخر بأمجادي





وحظر عليّ

أكون مسلم

هاكون مسلم ...

وإرهابي !!



كنت أتمنى



ليه عايز دايماً

تخلق

بيني وبينك

سور

ليه لما بقرب

منك

تبعد عني

أو بتثور



وإزاي قادر

تحرم قلبك

من دفا قلبي

أوم النور

إبعد

زي ما تبعد عني

بكره عليك


الهوى هيدور


كنا اتنين

والحب جمعنا

جا ولوعنا

زمن مسحور





كنت أتمنى
 نكون فيه واحد
 كنت أتمنى
 يكون لك دور
 واترمى قلبي
 في بحر هوانك
 وياما قلوب
 بلعتها بحور
 قلت أستنى
 يجيلك يوم
 تصحى وتتندم
 قلت أستنى
 يمكن قلبك لي يسلم

أبدًا

عمر ما قلبك

جاني

راح ورماني

أوعى تقرب

م الهوى تاني

يومي فـقربك

عدى شهور



جزر و مد



أولادي ليه يتشردوا

وبيرتنا ليه تتهد

باسم السلام بتخربوا

ده هزار ده ولا جد

وابني اللي لسه بيتولد

ماسك حجر في اليد


ماتت طفولة دنيته

لما الطريق انسد

والكل شايف دمعته

سايله وفوق الخد
تحفر طريق للجراح
مالوش أجل ولا حد
قال الزمان كلمته
ده البحر جزر ومد
بكره الطوفان اللي زاح
عن نوح أعادي وشّد
يزيح دمة وليد
يقطع ايدين تتمد
وبقدره يقلب ملك
في غمضه يصبح عبد





كل الإشكال

ضميري سليم

وبراجع نفسي

قبل ما انا

واغمض عيني

بدون تنويم

واشرف البخت

فالأحلام



وفالمدرسة
أشوف تنظيم
يهده الحيل
يقول إلزام
ودراسة تحلّي
العقل يهيم
وعيون الواحد
عايزه تنام
ويقولوا نمشي
للتعليم
وإن كان فلندن

ولا الشام
وفالمدرسة
شغل التكميم
ونظام الظلم
بقى إسلام
والشرح خلاص
مفيش تفهيم
وإن قلنا يعيدوا
يقولوا ... بكام !؟
وحياتنا عيشة
عيشة جحيم

وصبح الغلب

بالأكوام

نلاقيها بس

من التعليم

ولا علينا

بالاستسلام

نبعت شكاوي

بحرف الميم

ويردوا دائماً

بالإبهام

لكن خلاص

مفیش تسلیم

هنشیل علامه

الإستفهام !



ولا عاد يفيد

ولا عاد يفيد

كلمه تحيي .. حب قلبي

من جديد


ولا عاد يفيد

لمسة حنان

من إيد ... لإيد

حبك انت مستحيل

ارجعله تاني



حب كان

أوهام فقلبي

وفدياني

خدعة منك

كلمة مليانة

بأمانني

عشت فيها

صحيت عليها

ونمت تاني



بحق دمك يا ابويه



بحق دمك يا ابويه

لحظة الموت

والميلاد

بحق دمك م سال

على أرض الاستشهاد

بحق لحظة ألم

عاشتها يوم أمي

لاكتب وحبر القلم

أملأه أنا بدمي

ولا صفحة يوم تنطوي

ولا شمعة يوم تنقاد

* * *

ومهما قالوا خلاص

رجعت أراضينا

ما نسينا يوم قدسنا

ولا عمرنا نسينا

حبة تراب أو رمال

مزروعة بإيدينا

ومهما طال الزمن

هنرجع الأمجاد

* * *

ومين يقول النار

تطفئها كلمة سلام

ورا كل بيت مجروح
الكل حتى الحمام
وف كل قلب أتولد
إتيتمت أحلام
ولا نطفي نار الألم
إلا بنار الجهاد

* * *

بحق كل اللي راح
واللي في غيبه جي
بحق قدسك يا أقصى
لأكوي جراحي .. كي
وإن كان أبويه إتقتل
أنا برضه لسه حي
صابر ومستني
وكل شيء بميعاد

قضية



عمل المرأة

قضية كبيرة

قالوا وقلنا ...

وقلنا وقالت

كانت زهرة

وسط جنينة

خرجت منها

للعين بانة

جرحَ إيدها

شُغل أسرها
عانت منه
وفد البيت عانت
كانت زهرة
وسط جنينة
كانت هامم
ثم إتهانت !!





غير كل العيون



عنيكي

غير كل العيون

مش ناسي أبداً ..

سحرها

عين ما تعرف يوم ..

تخون

طول عمري ما فضل

احبها

تعالى



أوعي تهربي
تعالى ..
منى قربي
خليني أمسح ...
فيها دمة
خليني أنور ...
ليها شمة
تعالى ياللا
عمرنا ... إيه
غير ثواني
تعالى ياللا ...
نعيش حياتنا ..
فيها تاني

تعالی ...

أوعی تهری

تعالی

منی قری

لو إیه یکن

عینیکی

غیر کل العیون



سبييني

سبييني وحدي
 وابعدي
 خليني بعدك
 أبتدي
 مشوار حياتي
 من جديد
 خليني أعيش
 لو يوم سعيد
 كل إلهي شفته معاكي
 كان رحلة عذاب



أيام وضاعت

كلها

والقلب داب

لا لوم يفيد دلوقتي

أو كلمة عتاب

ليه عايزه ثاني

ترجعي

ويعود أنيني

ليه عايزه ثاني

تضيئي

عمري وسيني

سييني سييني



أنا معاك



أنا معاك ... أنا معاك
 ليوم ديني
 لحد ما ألبى ... وترابك
 يغطيني
 لحد ما شمسك المخبوءة
 تصفالي
 تمد شعاعها من تاني
 يديني
 أنا معاك ... أنا معاك
 ليوم ديني
 أنا معاك ... أنا

ع المر والمره
لحد ما تبقي بولادك
فعلاً

صحيح حرة
لحد صوت الحق
م يعلا في سماك
ينزل سحابك مطر
ساعتها يرويني
أنا معاك ... أنا معاك
ليوم ديني
أنا معاك ... أنا
مش ممكن أتخلي
مهما يقولوا دا بره
الحياة أحلى

أنا عندي ريحة ترابك

م الوجود أغلى

ولا الدولار بره

فديوم ... هيغريني

أنا معاك ... أنا معاك

ليوم ديني

أنا معاك بعلمي

ها كونلك الخادم

لو حتى كان الثمن

.... عمري


مش نادم

ومهما قالوا الطريق

شوكه هيدميني

أنا معاك ... أنا معاك

ليوم ديني



عودي



يا ليالي الفرح
ليّ م تعودي
أنا قلبي
داب م العذاب
من غلبي
مال عودي
غنيت للصبر
غنوة
ألفت ألحانها
غناها كل البشر
عليها مات ... عودي !





في الكلية

مع خالص الاعتذار
لكلية الطب وجميع الأساتذة الأفاضل

في الكلية بقالى زمان

حوالين نفسي بدور وبدور

وإن سألوني بأقول دا زمان

فيه العلم طريق محظور

قالوا دا نور العلم أمان

فقلوبنا ليه قطعوا النور

حوالين نفسي بدور وبدور



* * *

م الباثولوجي ليه بنتخاف

الباثولوجي : علم الأمراض .



يا بديوي قول لنا ليه
وامتحاناتك فيها إنصاف
أكثر م لازم كده ليه
لم إيديك وبلاش إسراف
أحسن ننجح أول دور
حوالي نفسي بدور وبدور

* * *

إمتحاناتك مستوى عالي
لينا مستقبل فيها عريض
وأنا مش عارف بكره يا عيني
هبقى طبيب ولا أبقى مريض
شيتونا قبل أو أنا
واحنا يا عيني في عمر زهور
حوالين نفسي بدور وبدور

* * *



وعذابنا بقى عندكوا غيّه
واعمل إيه ومقامكوا كبير
حيرتوني يا عيني عليّ
ما بين محاضر تكلم و مويير
وكلامكم بيأثر فيّ
لما بقيت بجناح مكسور
حوالين نفسي بدور وبدور

* * *

يا دكاتره وبقالكوا زمان
بتمارسوا فينا التدريس
قولوا لناديه بيه رضوان
ولاً لناديه بنت خميس
الباثولوجي معاكوا جنان

(١) مرجع طبي.

ينفع يتعبى فـقراطيس
قلنا كفايا قلتوا كمان
ودا شيء سهل علينا ميسور
حوالين نفسي بدور وبدور

* * *



ويا فارما ... إزي الحال
بيني وبينك ألفين ميل
وكتابك ع الراس ينشال
من ثقله ما بنامش الليل
والدرجة ... إزاي تنطال
في كلامك أبو دم ثقيل
واعمل إيه وأنا خالي البال
وماليش غيرك عندي خليل

لو سألوني أقول دا محال
لو راح أعدّي إليكي بحور
حوالين نفسي بدور وبدور

* * *

والبكتريا مالها ومالي
يا أهل الحي قلولي أوام
ع الصفين ف الطب قبالي
دي زبالة ولا ف الأحلام
أما البكتريا إللي فبالي
فدي عايزه سنتين قدام

مالي بـ coccus بنت fecaly

ولا بـ coccus بنت سهام

وأعمل إيه م أتغير حالي

Coccus fecaly : نوع من البكتريا.



واللي جوالي بقاله شهوور
حوالين نفسي بدور وبدور

* * *



والبارا دي حكاية طويلة
نحكيها كده فالحواديت
القملة وجارتها عديله
عملوا حرب مع البراغيت
والبقه ما بقلهاش حيلة
ماسكة فأيدها يا عيني ساطور
حوالين نفسي بدور وبدور

* * *


أما إن كان ع الصحة العامة ..
فكلامي عنها ما هيفدش

البارا : علم الطفيليات .

أصلها طبعاً مادة وهامة
وعشان كده أهى ما اتفتحتش
دي مذاكرتها عايزه اللمة
ومحاضرتها عايزه حضور
حوالى نفسي بدور وبدور

* * *

وكل طالب فينا معزور
لما يعبر لما يثور
أصلنا طلبه ذي م قلتوا
لسه يا عيني Immature !!
حوالى نفسي بدور وبدور



Immature : غير ناضج .

سنغالي




سَكَّتْ لَجَل السَّكُوتِ
 قَالُوا زَمَانٌ
 غالي
 وبلعت كل الكلام
 ولهتني أشغالي
 قَالُوا عَلَيَّ ... إِيخْرَسْتِ
 أَوْ لِي مَاتَ ... غالي
 رديت عليهم كإني
 ما قلت ولا كلمة
 عشان كلامي كله
 خليتته سنغالي !!

الزناد



دوس الزناد
 فجّر القلب إليّ باع
 كل القيم
 دوس الزناد
 ولّعها نار
 ع اللّي باعوا في الذم
 دوس الزناد
 ع اللّي ناموا
 وهمّه لابسين العمم



دوس وکبر
 دا بکره جاي وياه نهار
 دوس وکبر
 ملّت قلوبنا الانتظار
 دوس وکبر
 أوعى يوم أرضك تسلم
 عار علينا
 لو قبلنا الانكسار
 مليون شهيد !
 وإيه يكون مليون شهيد
 لو حتى متنا کلنا
 إيه الجديد !؟

وإيه يكون

معنى الحياه

واحنا أذله

أو عبيد

حرر ترابك وانتقم

وامسح الدمعة

اللي فعين الوليد


دوس الزناد

دوس الزناد

وموت شهيد



البيت



لو لفيت العالم كله

متر وشبر

لو وصفولي

جمال الدنيا

بر وبحر

لو يدوني كنوز العالم

غنى أو صيت

عمري ما هلقى

- مهما يقولوا -

أبدًا ذي جمال البيت
سكني وداري
وعمري وجاري
وكل أمالي اللي تمنيت
أبعد عنه
يزداد شوقي
ولا يوم عمري
بغيره رضيت
كل همومي
شايها في قلبه
ما اشتكى يوم
لو حتى شكيت

أسراري
عمره ما طلعتها
لو يوم مرة
حتى قسيت
جدرانہ ... ستري
وفبعده
عريانة مهما إغطيت
نعمة كبيرة
كتبها المولى
للي يقدر نعمه يجد
بيتك هوه
بحبك أولى
نعمة كبيرة ملهاش حد

وزمان قالوا ...

حكمة عظيمة

عليها القيمة

من أسرارهِ

اللي بيخرج منه


أكيد

- مهما يكون -


قل في مقداره



نقطة



قول كل الكلام
 ما تسيبش فيه نقطة
 وفُضِّي إلي في قلبك
 لتجيك النقطة
 وحقك لازم تجيبه
 لو حتى بالنقطة
 لو بحر خيرك كبير
 وهان عليك حقك
 ما يهون علي اللي ظلم
 يسيبوا فيه نقطة ! !



بس خلاص



حلمي في يوم أكون
 ع الأمة ... أنا الزعيم
 ألم الشمل وأصدر
 مليون قرار حكيم
 راح أفتح الحدود
 ونعدي بدون جواز
 ونبقى أمة واحدة
 م المغرب للحجاز
 وأدوب الجنيه



فالدرهم والريال
 ويكونوا عملة واحدة
 حقيقة مش خيال
 وأحرر التجارة
 وهي دي الشطاره
 وجيوشنا تبقى واحدة
 تصد أي غارة
 ما عايش فيه أمان
 والأمة في خطر
 لازم نكون إخوان
 ونصلح اللي إنكسر
 أنا بكره هابني خندق
 مقاسي يكون محندق



وأخبي فيه سلاحي
بقلبي وعيني صاحي
واعلم إني دينه
وازاي يرفع جبينه
واعلمه الشجاعة
وابطله المياعة
واقاطع البضاعة
واشجع الصناعة
ما عادش فيه كلام
ولا عادش فيه أمل
إلا بأمة واحدة
نبنيتها بالعمل
يس خلاص !!

كاس الصبر

الصبر مني إشتكى
 وقال خلاص ..
 ملّيت
 وأنا فبحوره ياما
 شربت كاس ...
 وملّيت
 سقيت جنايني
 وطرح
 النخل جوه الدار
 وبعد طول إنتظار
 المرّ بس جنيت !



نفسى



نفسى ف يوم أعيش

ما يهمنى

يوم أدوق طعم الأمان

يوم أرجع ضحكته

تملا المكان

يوم الأمل

تغطي أزهاره الحيطان

يومها أتولد

أنا من جديد

ويومها أعيش

لكن يا أرض النيل

ضفافك ...

زرعت جوانا شوك

فقطع الأحلام بقلبي

والعروق

نزفت شكوك

أنا بنت مين ؟!

أنا بنت مين ؟!

يا أرض ليه تتبدلي

وزعفرانك يبقى طين

أنا بنت مين ؟!

لما حنانك فجأة

يتبدل جحيم

لما شعاع الشمس
يحرق ضلتي
يكوي الجبين
قوليلي أقول أنا بنت مين؟!
أنا بنت مصر الطيبة
ولا خلاص
ما عادش فيكي ... طيبين
أنا كنت أقول زمان
عمار
كان الأمل
بسمه بيرسمها نهار
وكل يوم
كان يبقى عيد

وإحنا صغار ! !
إيه إلهي غير ضلتك
إيه إلهي غير تربتك
إيه إلهي غير جنتك
خلاها نار
وكل يوم
أصحي وأعيش
وأنا فانتظار
يوم جديد
أتمنى فيه .. إني أعيش
ما يهمني



صرخة مظلوم



بلدي أبداً

مش راح أسلم

راح أخلي ترابك

يتكلم


واحمل سيفي

في قلبي وأسجل

في كتابك

للحق واعلم

* * *



أوعى تفكر باللي بتظلم
 إنك شاطر م الشطّار
 إنت يا دوب
 تملة ببرنيطة
 لو يوم تكبر
 تبقى !

* * *

مهما ظلمت
 بسلطة في إيدك
 أو واسطة
 يحميها وزير
 بكره ضروري

الحق هيظهر

وتطير زي بقيت الطير

* * *

ونهاية ظلمك راح تبقى

عبرة لغيرك

بالتأكيد

ربك يهمل ... لكن ممكن

ياخذك كده

من غير تمهيد

* * *

ياللي بتحمي الأرض الطاهرة

من فاسد

أو ظلم خسيس

جمد قلبك

واعلن حربك

إنت الغالي وهو رخيص

* * *

واعرف إن المولى معاك

مش راح يبعد عنك يوم

لو كل الدنيا

هتتسأك

ربك والله مع المظلوم



على أبوابك

على أبوابك أنا

خبطت بالكفين

مات في كل الأمل


حتى بريق العين

دقيت وقلت ... إلحقيني

ضممني يا امه وخذيني

قبل ما يجيني الغريب

يرمي شباكه يواسيني



يا خدني يفتحلي باب
 وانا بعد منك حزين
 علي أبوابك أنا ... خبطت بالكفين

* * *

علي أبوابك أنا
 شايف عصايا وسور
 تضرب بقوة وقساوة
 كل قلب يثور
 وكل حلم فطير
 يرجع جناح مكسور
 ولد إمتى صبرك علي

حراسك الملاحين
على أبوابك أنا ... خبطت بالكفين

* * *

على أبوابك أنا
شاي ف وليدي أسير
شاي ف همومه وماشي
نفس خط السير
يسألني إمتى هانوصل ؟!
وبعد طول تفكير
أقوله لما العصايا
تضرب الخائنين

على ابوابك أنا ... خبطت بالكفين

... * * *

على ابوابك ... ياريت

كان لي صوت أو يد


أو سيف يكون النهاية

لكل قلب إرتد

يفتح طريق الأمل

لأولادك الغايين

على ابوابك أنا



غلبان

تعالى لي يابا تعالى لي يابا

تعالى يابا وشوف

الدنيا من بعدك

و كنت دائماً تقوللي

بكره زمن سعدك

وبكره جاني ... وصللي

ع اللي يشفعلك

عاشين ومش عاشين

واهي دنيا قلابه

تعالى لي يابا ... تعالى لي يابا

* * *

الرجيف إلهي كان
 أبيض بيضحلك
 دلوقتي لو تقتل
 بوزه ما يفتحلك
 غمض وخط الغموس
 يا دوب كده هبابه
 تعالى لي بابا ... تعالى لي بابا

* * *

بالقرش كان سعرها
 ياريت ماتحكي لي
 عنها وعن طعمها
 حنيت وأنا وجيلي

شمتها عند الجيران
ريحتها خلايه
تعالى لي يابا ... تعالى لي يابا

* * *

فالعلم شقيت طريقي
ويجهدني جيت إمتياز
والباقي عارفينه طبعاً
غيري صبح أستاذ !
وانا بعد كل الشقا
قاعد على البوابه
تعالى لي يابا ... تعالى لي يابا

* * *

تعالى يا با وشوف

والله ما بتجنّي

والنار شايفها حقيقة

وعندك الجنة

والدنيا لو شفتها

دلوقتي بقت غابة


تعالى لي يا با ... تعالى لي يا با

* * *

غلبان مش بس وحدي

لأ دا غيري كتير

رفعنا صوتنا نطالب



بشيء من التغيير
حبة عدل ونزاهة
وبعد طول تفكير
الحكم بعد المداولة
إعدام كل الغلاية !!
تعالى لي يا با



الفهرس

صفحة

٣	إهداء
٥	أنا ساكت
١٠	الحق
١٢	إلى أمي
١٩	حلم
١٨	ياريت
٢١	محتاجه إيه
٢٣	الواحد
٢٥	يا عصفور
٢٨	إرهابي
٣٢	كنت أقنى
٣٧	جزر ومد

٣٩	تلميذ
٤٥	ولا عاد يفيد
٤٧	بحق دمعك يا ابويه
٥٠	قضية
٥٣	غير كل العيون
٥٧	سبيني
٦٠	أنا معاك
٦٣	عودي
٦٥	في الكلية
٧٣	سنغالي
٧٤	الزناد
٧٨	البيت
٨٢	نقطة

صفحة

٨٤	بس خلاص
٨٨	كاس الصبر
٩٠	نفسي
٩٤	صرخة مظلوم
٩٩	على أبوابك
١٠٣	غلبان
١٠٩	الفهرس

